



Bee Healthy Regional Dental Service

Ngaahi fakamatala ki he Sēvesi Nifo Fakavāhengā (Regional Dental Service)

Sivi nifó – ko e sivi ko e taimi ia ‘e sio ai ‘a e tokotaha faito’o nifó ki ho loto ngutú; ki ho nifó mo e te’enifó ke fakapapau’i ‘oku nau ‘i ha tu’unga mo’ui lelei. ‘E fakamatala atu ‘e he tokotaha faito’ó ki he mātu’á/tauhiānaú ‘a e me’a kuó ne sio ki ai pe ‘oku fiema’u ke fai ha ngāue ki ai.

X-rays – ko e X-ray ko ha kalasi filimi makehe ia ‘e fakahū ‘e he tokotaha faito’ó ki ho loto ngutú ke faitaa’i ha lau’i’ata ‘o ho nifó pea mo ho loto’i te’enifó ‘a ia ‘oku ‘ikai lava ke tau sio mata ki ai. ‘E fakamatala atu ‘e he tokotaha faito’ó ki he mātu’á/tauhiānaú ‘a e me’a ‘okú ne lava ‘o sio ki ai pe ‘oku fiema’u ke fai ha ngāue ki ai.

Fololaiti (fluoride) – ko e fololaití ko ha kilimi makehe ia ‘oku vali’aki ‘e he tokotaha faito’ó ‘a ho nifó ke tauhi ke mālohi.

Vali ta’ofi ki he ‘au’aunga ‘a e nifó (fissure sealants) – ko e vali ta’ofi ki he ‘au’aunga ‘a e nifó ko ha vali kofutu’a pelesitiki ia ‘oku vali ‘e he tokotaha faito’ó ‘i he vahavaha’a nifo lalahi ‘i mui ‘i ho ngutú ke malu’i kinautolu meí he ‘au’aungā. ‘Oku tupunga eni meí he ‘ikai lava ‘e he polosi fulunifó ‘o fufulu fakalelei ‘a e ngaahi vahavaha’a nifó.

Fakafonu – ko e ngaahi fakafonú ko ha ngaahi nāunau lanu hinehina/siliva ‘oku ngāue’aki ‘e he tokotaha faito’ó ke fakafetongi’aki ha konga ‘o e fo’i nifó kuo maumau’i ‘i ha’ane ‘au’aunga. ‘E fakamatala atu ‘e he tokotaha faito’ó ki he mātu’á pe tauhiānaú ‘a e nāunau fakafonu lelei taha ke ngāue’aki ‘o makatu’unga pē ‘i he ta’u motu’a, natula fekāinga’aki, lahi mo e tu’u’anga ‘o e fo’i nifó.

Huhu LA – ko e LA ko ha huhu’a’i faito’o makehe ia ‘oku ngāue’aki ‘e he tokotaha faito’ó ke fakamohe’aki ‘a e fo’i nifó mo e te’enifó.

SSC – ko e crown (kalauni tāpuni) ko ha tāpuni siliva ia ‘oku fakahū ‘e he tokotaha faito’ó ki he nifo hu’akau muí ke malu’i’aki kinautolu. ‘E ala ngāvaivai (hypomineralised) pe maumau ‘a e fo’i nifó meí ha’ane ‘au’aunga.

Ta’aki nifo – ‘oku hoko ‘eni ‘i he taimi ‘oku ta’aki ai ‘e he tokotaha faito’ó ha fo’i nifo kuo mahaki’ia pea ‘ikai toe lava hano fakaakeake ‘aki hano fakafonu, fakakalauni tāpuni pe to’o fakakonga (pulpotomy).

To’o fakakonga (pulpotomy) – ko e taimi ia ‘oku to’o ai ‘e he tokotaha faito’ó ‘a e ‘au’aunga meí he mahaki’ia ‘o e fo’i nifó ‘o totolo atu ki he neave ‘o e funga fo’i nifó, kae ‘ikai ki hono aká. ‘Oku to’o ‘e he tokotaha faito’ó ‘a e ngaahi neave meí he funga nifó kae ‘ikai a’u hifo ki hono aká. ‘Oku to’o ‘e he tokotaha faito’ó ‘a e neave ‘i he funga nifó, ‘ai ‘a e faito’o ki he aka’i nifó pea ne tāpuni hifo ‘aki ‘a e kalauni tāpuni ‘i he funga nifó.



Tongan